

**Talamdan sa
Mga Mensahe alang sa Full-time Training
sa Spring Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
IKADUHANG CORINTO**

Mensahe 1

**Si Cristo Mismo nga Malangkobon-sa-tanan nga Espiritung Taghatag-og-kinabuhi
mao ang Realidad ug Sulod sa Pagpangalagad sa Bag-ong Pakigsaad
ug ang Pagkaumol sa Mga Ministro sa Bag-ong Pakigsaad**

Basahong Kasulatan: Isa. 42:6; 49:8; Jer. 31:31-34; Heb. 8:8-12; 2 Cor. 3:3-6, 18; 4:1

- I. Sa Griyego pareho ra nga pulong ang gigamit sa *pakigsaad* ug *testamento*:**
- A. Pareho ra ang pakigsaad ug testamento, apan sa buhi pa ang naghimo sa pakigsaad, pakigsaad kini, ug sa mamatay na siya, testamento kini; sa pinulongan karon ang testamento mao ang tugon [kalabot sa kabilin].
 - B. Ang pakigsaad kasabotan nga dunay mga saad nga buhaton ang pila ka butang alang sa mga tawong gipakigsaaran, samtang ang testamento tugon nga naay mga butang nga nahuman na nga gibilin sa manununod—Heb. 9:16-17; itandi sa Deut. 11:29; 28:1, 15; Jer. 31:31-32.
- II. Si Cristo mismo nga malangkobon-sa-tanan nga Espiritu mao ang bag-ong pakigsaad, ang bag-ong testamento, nga gihatag sa Dios kanato—Isa. 42:6; 49:8; Jer. 31:31-34; Heb. 8:8-12; 1 Cor. 15:45b; 2 Cor. 3:3-6:**
- A. Pinaagi sa kamatayon ni Cristo gituman Niya ang mga gipangayo sa pagkamatarong sa Dios segun sa Iyang kasugoan ug gihimo ang bag-ong pakigsaad (Rom. 6:23; 3:21; 10:3-4; Luc. 22:20; Heb. 9:16-17), ug sa Iyang pagkabanhaw nahimo Siyang bag-ong pakigsaad lakip na sa tanang kabilin niini (1 Cor. 15:45b; Isa. 42:6; Fil. 1:19).
 - B. Sa pagkayab ni Cristo giablihan Niya ang basahong linukot sa bag-ong pakigsaad kalabot sa pamatigayon sa Dios, ug sa langitnong pagpangalagad Niya gituman Niya ang mga sulod niini—Bug. 5:1-5.
 - C. Ingon nga Leon sa banay ni Juda, gidaog ug gipildi ni Cristo si Satanas; ingon nga Corderong nag-tubos, gikuha ni Cristo ang sala sa hulog nga tawo; ug ingon nga pito ka Espiritu, gituhopan ta ni Cristo sa Iyang Kaugalingon nga maoy mga sulod sa basahong linukot sa bag-ong pakigsaad—vv. 5-6.
 - D. Gipakigsaad na kanato ang kaluwasan sa Dios, ang mga panalangin sa Dios, ug ang tanang kadato sa Dios, ug kining pakigsaad mao si Cristo nga “ang Espiritu” ug ang madagayaong sangkap Niya—Isa. 42:6; 2 Cor. 3:6, 17; Fil. 1:19:
 - 1. Ang realidad sa tanang gatosan ka kabilin sa Bag-ong Tugon mao si Cristo nga Espiritung taghatag-og-kinabuhi—Gen. 22:18a; Gal. 3:14; 1 Cor. 1:30; 15:45b; Efe. 1:3.
 - 2. Si Cristo ang realidad sa bag-ong testamento, ang realidad sa tanang pagkamao sa Dios ug sa tanang gihatag sa Dios kanato; busa, si Cristo mismo ang bag-ong testamento.
 - 3. Daghan ang kabilin, apan sa pagkatinuod kining tanang daghang kabilin usa ra ka persona—ang pneumaticong Cristo; gibilin sa Dios ang Iyang Kaugalingon diha ni Cristo ingon nga Espiritu alang nato—Juan 20:22; Efe. 3:8.
 - 4. Dili mahurot ang mga kabilin nga gibilin sa Ginoo kanato diha sa bag-ong testamento, ug aron kini masinati ug mapahimuslan nato pinaagi sa Espiritu sa eternidad—Heb. 9:15.

III. Ang atong espiritu maoy “deposito sa bangko” sa tanang kabilin sa bag-ong pakigsaad; pinaagi sa balaod sa Espiritu sa kinabuhi, gipaambit nganhi nato ug gihimong tinuod kanato kining tanang kabilin—Rom. 8:2, 10, 6, 11, 16; Heb. 8:10; Juan 16:13:

- A. Diha sa atong espiritu naa nato ang presensya sa Dios, ang pagpamulong sa Dios, ang pakighinagbo sa Dios, ug ang pagpaambit sa Dios pinaagi sa pagbuhat Niya ingon nga balaod sa diosnong kinabuhi aron ipaambit ug isulat ang Iyang Kaugalingon sa tanang bahin nato sa sulod—Heb. 8:10.
- B. Gipahibalo sa Ginoo ang Iyang pakigsaad sa mga nahadlok Niya, ug gipaambit Niya ang Iyang Kaugalingon isip dili matugkad nga realidad sa Iyang pakigsaad sa mga nahigugma Niya—Sal. 25:14; Isa. 11:1-3a; Sal. 86:11; 130:4; 1 Cor. 2:9; 8:3; Luc. 7:40-50; 1 Juan 4:16-19.
- C. Si Cristo nga bag-ong pakigsaad maoy pahat nato—ang atong kopa sa kaluwasan ug kopa sa panalangin; mainom nato Siya nga atong kaluwasan ug panalangin sa pagtawag nato sa bililhong ngalan Niya—Luc. 22:20; Sal. 16:5; 23:5; 116:13; 1 Cor. 10:16a.
- D. Si Cristo ang pneumaticong Tigpatuman, Tigpataliwala, sa bag-ong pakigsaad nga naa sa atong espiritu; isip Tigpatuman, gihimo Niyang maanaa ug matinuod ang tanang kabilin sa Iyang tugon sa pagdawat nato sa pulong sa Iyang tugon pinaagi sa tanang pag-ampo—Heb. 8:6; 1 Juan 5:6.
- E. Isip kalig-onan sa bag-ong pakigsaad, si Cristo ang pasalig nga matuman ang tanang naa sa bag-ong pakigsaad; gigarantiyahan ug giseguro Niya ang pagkaepektibo sa bag-ong testamento—Heb. 7:22.
- F. Isip diosnong Labawng Sacerdote, gipatuman ni Cristo ang bag-ong pakigsaad sa pagpangamuyo Niya alang nato, nag-ampo nga madala ta nganha sa realidad sa bag-ong pakigsaad—v. 25; Rom. 8:34, 26.
- G. Isip Ministro sa balaang mga dapit, gipangalagad ni Cristo kanato ang mga kabilin, ang mga panalangin, sa bag-ong testamento, gipaepektibo sa kasinatian nato ang mga kamatuoran sa bag-ong pakigsaad—Heb. 8:2.
- H. Aron madawat ang pag-aplikar sa tanang panalangin sa bag-ong pakigsaad, mosanong gyod ta sa langitnong pagpangalagad ni Cristo sa pag-apil nato sa Iyang pagpangamuyo alang sa kaiglesiahan ug sa pagpangalagad Niyag Dios sa uban—Gen. 14:18-20; Heb. 7:25; 8:2; Buh. 6:4.

IV. Ang mga ministro sa bag-ong pakigsaad inumol sa ug uban sa Ginoo nga Espiritung taghatag-og-kinabuhi (2 Cor. 3:6, 15-18; 4:1) ug sa tanan Niyang aspeto nga gipadayag sa 2 Corinto; mahitabo ang nag-umol nga buhat sa dili matugkad nga datong Espiritu sa magsinati ug magpahimulos ta Niya sa daghan Niyang aspeto pinaagi sa mga pag-antos, makaut-ot nga mga kalisod, ug sa makapatay nga buhat sa krus. (1:8-12; 4:5-13; 11:28-30; 12:7-9):

- A. Ang nagdihog nga Espiritu mao ang nagpuyo sa sulod, sinagol nga Espiritu nga naglihok ug nagbuhat sa sulod nato aron ipaambit ang tanang diosnong sagol ug bahing nag-umol sa Dios nganhi nato—1:21; Fil. 1:19; Exo. 30:23-25; Rom. 10:12-13:
 - 1. Ang pagdangat sa pagdihog nagtuman sa sentrong tuyo sa kaluwasan sa Dios nga idihog ang sinagol nga Dios nganhi nato aron mausa, masagol, ug matagik ta Kaniya—1 Cor. 15:45b; 1 Juan 2:20, 27.
 - 2. Ang pagtudlo sa pagdihog mao ang pagbati sa sulod nato nga naanaa tungod sa paglihok sa Espiritu sa sulod nato, ug tungod niini nahibalo ta sa hunahuna sa Dios ug makakinabuhi diha Niya, nagtudlo nato sa mga butang kalabot sa Tulo-usang Dios ug sa Iyang mga kalihokan—v. 27; Buh. 16:6-7.
- B. Pormahon sa nagtimbrenge Espiritu ang diosnong mga elemento aron mahimong marka nga magpadayag sa dagway sa Dios—2 Cor. 1:22; Efe. 1:13:
 - 1. Mapadayonong gisuropan sa nagtimbrenge Espiritu ang mga magtutuo hangtod matubos ang ilang lawas—4:30.
 - 2. Gitransporma sa nagtimbrenge Espiritu ang mga magtutuo aron mahimong bahandi sa Dios nga panulundon Niya—1:11.
 - 3. Labi tang matimbrehon, labi sab nga maanaa nato ang dagway sa Dios aron maumol ta nga obra maestra sa Dios—2 Cor. 3:18b; Efe. 2:10.
- C. Gipatilaw ta daan sa nagpasalig nga Espiritu isip sampol ug garantiya sa hingpit nga pagpahimulos sa Dios—2 Cor. 1:22; 5:5:

1. Naggarantiya ang pagpasalig sa Espiritu nga panulundon nato ang Dios—Efe. 1:14.
 2. Naa sa sulod nato si Cristo ingon nga nagpasalig nga Espiritu aron atong matilawan, atong mapahimuslan Siya isip diosnong panulundon nato, pahat nato, sa paggamit nato sa atong espiritu—Sal. 34:8; 1 Ped. 2:3; Col. 1:12.
- D. Gisulat si Cristo sa Espiritung nagsulat nganhi nato aron himoon tang buhing mga sulat ni Cristo—2 Cor. 3:3:
1. Gisulat si Cristo nganhi nato pinaagi sa espirituhanong tinta, sa Espiritu sa Dios nga buhi; kon gisulatan ta sa Espiritu, duna tay lalom nga pagbati nga buhi ta sa sulod.
 2. Ang Espiritu mao ang tinta, ug ang sulod sa tinta mao si Cristo lakip ang Iyang persona, buhat, ug mga nakab-ot; gidugang sa sinagol nga Espiritu isip sinagol nga tinta ang pagkamao ni Cristo nganhi nato ug gisuropan ta sa pagkamao Niya.
- E. Gipaambit sa Espiritung taghatag-og-kinabuhi, sa Espiritung nagbuhi, ang diosnong kinabuhi nganhi sa atong pagkatawo aron himoon tang mga tawo sa kinabuhi nga dunay pagpangalagad sa kinabuhi—vv. 6, 17; Juan 7:38:
1. Mainampoon ngani natong tun-an ug basahon ang Biblia nga naggamit sa atong espiritu, mabuhi ta—2 Cor. 3:6; Juan 6:63.
 2. Aron makahatag tag kinabuhi sa uban, magpabilin gyod ta sa diosnong kinabuhi ug maggawi, magkina-buhi, ug maanaa ang atong pagkatawo sa diosnong kinabuhi—1 Juan 5:16a.
- F. Gipaambit sa Espiritung nangalagad ang tanang pagkamao ni Cristo nganhi nato ug gihimong tinuod kanato ang tanang pagkamao ug nabatonan Niya—2 Cor. 3:8; Juan 16:13-15:
1. Madawat nato ang sangkap sa Espiritung nangalagad sa paggamit nato sa atong espiritu sa pag-ampo ug pagtawag nato sa Ginoo—Gal. 3:5a; Col. 4:2; Rom. 10:12-13.
 2. Gipangalagad sa Espiritung nangalagad si Cristo nganhi nato ug gipangalagad Siya ngadto sa uban pinaagi nato—2 Cor. 3:6; itandi sa Fil. 1:25.
- G. Gipagawas ta sa Espiritung nagpagawas gikan sa gapos sa letra sa kasugoan; ang Espiritu sa Ginoo mao ang Ginoo mismo, ug diha Niya naay kagawasan—2 Cor. 3:17; 4:5; Gal. 2:4; 5:1:
1. Naglakip kining pagpagawasa og bug-os nga katagbawan, nga dunay dato, nagsuportang sangkap ug bug-os nga pagpahimulos kang Cristo—Juan 4:14b.
 2. Naglakip kining pagpagawasa sa pagpahimulos sa tinuod nga pahulay, nga wala mailalom sa bug-at nga luwan nga motuman sa kasugoan—Mat. 11:28-30.
- H. Gipaambit sa Espiritung nagtransporma ang diosnong kinabuhi, kinaiya, pagkamao, elemento—bisan ngani ang diosnong pagkamao—nganhi nato aron metabolico tang mausab sa pagkatawo nato sa sulod—2 Cor. 3:18:
1. Iliso ngani nato sa Ginoo ang atong kasingkasing aron motan-aw ug magpasumbalik sa himaya sa Ginoo nga dunay nawong nga wala mataptapi, ipatuhop Niya kanato ang mga elemento sa Iyang pagkamao ug nahuman.
 2. Sa ingon niana, metabolico tang gitransporma gikan sa usa ka ang-ang sa himaya ngadto sa usa pa ka ang-ang sa himaya aron mahulma sa porma sa Iyang kinabuhi pinaagi sa gahom sa Iyang kinabuhi ug sa pagkamao niini.
- I. Gipalatay sa Espiritung nagpalatay ang tanang pagkamao ni Cristo lakip ang tanang kadato sa Dios nganhi nato aron atong maambitan—13:14:
1. Ang Dios gugma, ug gipalatay sa Espiritu, nga mao ang Tigpalatay, kining gugmaha ingon nga grasya nganhi nato.
 2. Ang Espiritu mao ang pakig-ambitay, pagsultianay, pagsirkular, pagpalatay, sa grasya ni Cristo uban sa gugma sa Amahan, nagpalatay sa diosnong kadato nganhi sa atong pagkatawo aron atong mapahimuslan.